

四庫全書

史部



欽定四庫全書

史部

浙江通志卷九十八

詳校官給事中臣戴璐

檢討臣德生覆勘

總校官編修臣倉聖脉  
校對官中書臣袁文邵

謄錄監生臣席大賓



欽定四庫全書

浙江通志卷九十八

海防

四

紹興府

紹興北乃海之支港北流薄於海鹽東極鎮海之蛟

門西厯龕褚入鯨子門抵錢塘所屬山會等五縣

並皆邊海

蕭山去海二十里山陰去海四十里會稽去海二十里上虞去海六十里餘姚

去海四十里

自三江至龍山延袤三百餘里有宋家



淩煙浦臨山泗門勝山古窰松浦均為要衝之地

曹娥錢清浙江三水所會謂之三江海口在府東北港口深濶直通大洋稍東有宋家淩若從此趨陡門一帶海塘則竟抵郡城若越港而北趨浙西則赭山其關鍵也 煙浦在府東北四十里北對浙西石墩南至府城通連大海由沿江塘路至百官梁湖直抵上虞東自稱山西至宋家淩接山陰界凡二十六里 泗門港為餘姚縣東北之喉襟越港而北為浙西澈浦 勝山即懸泥山在餘姚縣東北七十里北浸於大海俗呼為勝山港深而廣倭船可乘潮以入

明洪武初置紹興衛防守郡城其沿海特設三江所

隸紹興衛

臨山衛

領三山 滬海二所

觀海衛

領龍山所

並隸臨觀備



倭把總統轄

三江所

洪武二十年在府東北三十七里浮山之陽去海一里去省城八十里海上有警

烽火於此通馬東南即宋家淩防維最切北有三江鎮為東海之門舊有小城嘉靖二年增築置兵

以備倭

千戶等官二十一員旗軍一千三百五十二

名轄臺一曰蒙池山

在府東北四十里與浮山並峙烽堠六曰航

塢山

在蕭山縣東四十里

曰馬鞍山

在山陰縣西北四十里

曰烏峯山

一名龜山又名白洋山

曰宋家淩曰周家墩曰桑盆巡檢司

二曰三江巡司弓兵一百名

在府北四十里浮山北麓小江經其前大



海浸其東與三  
江所南北並峙  
曰白洋巡司弓兵三十二名

在府西北

五十里白洋山上  
濱海緣山築城

臨山衛

洪武二十一年建在餘姚縣西北五十里初置廟山上後徙上虞縣故嵩城戍守去海

三里並海築城東接三山西抵滬海北有臨山港  
直衝大海海口曰烏盆隘化龍隘為汛守要地衛

東又有泗門港最為險要指揮以下等官九十一員旗軍五千

六百名轄臺一曰羅家山烽堠九曰趙港曰烏盆

曰廟山曰荷花池曰方家路曰道塘

在山陰縣西北一十里本

運道  
塘曰周家路曰泗門曰夏蓋山

在上虞縣西北六十里南臨夏



蓋湖北枕大海  
西近三江口  
巡檢司一曰廟山巡司弓兵一百

名

初在廟山後改置衛城因徙於上虞之中堰在餘姚西北八十里仍曰廟山巡司築城戍守

三山所

洪武二十年建在餘姚縣東北三十五里許山下一名許山所去海十五里界於臨

觀之間西以聲援臨山東以策應觀海以蔡山金山破山並峙而名其東為勝山港千戶等

官十五員旗軍一千一百二十名轄烽墩七曰厯

山

在餘姚縣北三十五里

曰眉山

在餘姚縣西北三十五里海中望之如修眉然宋置

寨兵一百人

曰徐家路曰撮嶼曰蔡山

北有望海巖

曰吳家

山

在餘姚縣東北六十里北面大海

曰許山巡檢司二曰三山巡



司弓兵三十四名

初在金山後移於破山有小城戍守仍曰三山巡司

曰眉

山巡司弓兵三十四名

在餘姚縣西北四十里關地名湖海頭

滙海所

洪武二十年建在府東北七十里纂風鎮去海里許東衛臨山西捍黃家堰近海岸

有施湖隘四滙隘為戍守要地

千戶等官十一員旗軍一千一百

二十名轄臺一曰西海塘烽墩三曰槎浦

在工虞縣西六

十里曰胡家池曰榿樹巡檢司一曰黃家堰巡司弓

兵一百名

在府東北八十里會稽上虞之界曰纂風鎮有西會渚為防禦要地

觀海衛

在慈谿縣西北七十里西南去餘姚縣八十里去海五里三山為右翼龍山為左翼



居中節制應援地屬慈谿而轄於紹興犬牙勢也

指揮以下等官九十五

員旗軍五千七百四名烽墩六日向頭

在慈谿縣西北八十

里向頭山山亦名西龍尾東望伏龍山與龍頭相向龍頭以東屬定海龍尾以西屬餘姚二山捍潮其中漲塗

曰爪誓

在慈谿縣西北七十里大海中

曰西隴山曰新

浦曰古窰曰西龍尾巡檢司一曰向頭巡司弓兵

一百名

在慈谿縣西北向頭山宋置向頭寨元改為鎮明初改巡司洪武二十年遷於司東

之洋浦三十三年革正統十四年復置於舊所

龍山所

在寧波府北七十里西南至餘姚縣一百二十里去海二里有伏龍山控臨海際相



去僅十里許為臨觀二衛之門戶也

千戶等官一十六員旗軍一千

二百六十三名轄臺一曰龍山烽堠五曰龍頭曰

龍尾曰石塘

在慈谿縣西北四十五里

曰青溪曰施公山巡檢

司一曰松浦巡司弓兵一百名

明初置於浦東洪武二十六年移於

浦西為戍守要地

臨觀把總舊為定臨觀總於嘉靖二十八年分為二

總

定海一臨觀一

其臨觀總駐劄臨山統陸兵三總

前營左營

中水兵三枝

游哨左哨後哨

與定海昌國二總並隸分守



寧紹叅將

前營總哨官一員部領哨官五員兵五百四十一  
名平時屯劄臨山汛期分二哨防守觀海衛巡哨  
古窰東山平石吳家山諸處與總鎮防守龍山所  
官兵會哨又分二哨防守三山所巡哨勝山蔡山  
徐家路諸處與防守臨山衛官兵會哨又分一哨  
協守臨山衛巡哨周家路泗門烏盆趙港夏蓋山  
荷花池諸處與防守滬海所官兵會哨



左營

官兵同前營

平時屯劉紹興府城汎期分發防守

三江所東哨宋家樓煙浦諸處西哨龔山諸處

中營

官兵同前營

平時屯劉臨山衛汎期分發一哨協

守觀海衛一哨協守三山所二哨防守臨山衛又

分一哨防守滙海所巡哨槎浦西海塘煙浦西滙

嘴諸處與防守三江所官兵會哨

西滙嘴邊海緊要

遊哨總哨官一員部領大小戰船十四隻兵三百

名汎期駐泊烈表港

烈港為臨觀之門戶初議設三江煙浦臨山勝山古密五



港以衛臨觀後因各港沙硬  
水淺難泊改調烈港出哨

遊哨漁山兩頭洞臨

觀一帶海洋東哨至馬墓與定海總馬左哨官兵  
會哨南顧七里嶼由山定海大小港口沿海一帶  
西哨至蠓渤山海洋北哨漁山羊山大小七山海  
洋與浙西海寧把總官兵會哨

左哨哨官一員部領大小戰船十三隻兵三百名  
汛期駐泊兩頭洞東由養蓬礁哨至小衢山沙塘  
嶼東岳嘴與定海總北左哨官兵會哨南哨至馬



墓與定海總馬左哨官兵會哨西哨至火焰頭青  
嶼北漁山與本總後哨官兵會哨北哨至羊山與  
浙西海寧總官兵會哨

後哨哨官一員部領大小戰船十三隻兵三百三  
名汛期駐泊北漁山東哨至兩頭洞與本總左哨  
官兵會哨南哨至蟬渤山烈表港與本總遊哨官  
兵會哨西哨至許山與本總官兵會哨北哨至大  
小七羊山與浙西官兵會哨



國朝經制額設紹協城守營

順治六年設

副將統轄左右兩

營都守千把外委等官三十一員兵一千八百七

十二名

詳見兵制

除駐守府城分防內地各汛外其沿

海仍設臨山觀海二衛三江滙海二所又增設夏

蓋山周巷等汛

三江所

東至俱浦三十里與滙海所接界西至行伍山四十五里與蕭山縣汛接界南至羊

望村市東村一十里與山陰縣汛接界北至海塘十里抵海

左營千把總輪防

駐兵五十名

康熙二年提督改駐紹興府城紹協副將移防三江所八年提督移駐寧



波府紹協副將仍舊駐府城其三江所轄臺五口  
撥右營都司防守後改設千把分防

次一

龜山臺

龜山即烏峯山一名曰白洋山在山陰縣西北五十里濱海東至黨

山臺  
五里

黨山臺

黨山一名碧山在山陰縣西北四十八里東至蒙池臺二十里

蒙池臺

東至宜港  
臺十里

宜港臺

東至桑盆  
臺十里

桑盆臺

東至  
浦五里

偃浦口次

康熙五十六年增設東渡偃浦江十里與滙海所接界

本所原設烏峯宋家溪鎮塘馬鞍四臺於康熙五十六年奉裁又龜山一臺改歸蕭山縣汛

滙海所

東至上虞縣六都二十里與夏蓋山汛接界西至會稽縣三十三都抵海南至上虞

縣七都偃浦江與三江所接界北至會稽縣三十三都半里抵海

左營千把總輪



防駐兵九十四名

原係右營都司駐防康熙四十七年都司移駐臨山衛以原防

浙山所把總移駐本所改歸左營管轄

轄臺二口次一

北門臺東

里至踏浦臺

踏浦臺

東五里至萬壽菴與夏蓋山汎接界

西滙嘴口

次

康熙五十六年增設東至本所城五里西北抵海

本所原設判官新砲二臺於康熙五十六年奉裁

夏蓋山汎

東至上虞縣五都陳倉堰與臨山汎接界西至上虞縣六都萬壽菴與滙海所

汎接界南至上虞縣雁埠南塘三十里與餘姚縣汎接界北抵海

右營千把總輪

防臨山守備兼轄駐兵二十九名轄臺二 荷花



臺

本臺倒入海中

顧家臺

東至黃家路十里烏盆地方與臨山汛接界西至夏蓋山

十里

臨山衛

東至徐家路十五里與周巷汛接界西至陳倉堰十五里與夏蓋山汛接界南至長

霸四十里與餘姚縣汛接界北抵海

左營中軍守備防守駐兵一百

四十四名

原係都司駐防康熙四十七年都司改駐餘姚縣以原防滬海所守備移駐本

衛

轄臺二口次一

謝家臺

東至方家臺十里

方家臺

東至道塘臺與周巷汛接界西至謝家臺十里

黃家路口次

康熙五十六年增設

東二十里

至謝家臺



本衛原設周家路一臺  
於康熙五十六年奉裁

**周巷汛**

東至餘姚縣破山五十里與觀海衛汛接  
界西至徐家路二十里與臨山汛接界南

至李港河十五里與餘  
姚縣汛接界北抵海

**右營千把總輪防駐兵九**

**十九名轄所城一臺五**

**許山所城**

原係千把總  
專防康熙四

十七年原防把總移駐滬海所改歸左營管轄  
本所併歸周巷汛 東北至勝山臺二十里

**勝山臺**

西至趙家臺十里東至曲  
塘臺十里與觀海衛接界

**道塘臺**

西至

臺十里與臨山汛接  
界東至周巷十里

**塾橋臺**

西至周巷十里東  
至崔家臺十里

**崔家臺**

西至塾橋臺十里  
東至趙家臺十里

**趙家臺**

南至許山  
城二十里



觀海衛

東至慈谿縣松浦間橋二十五里與鎮海營龍山所接界西至破山二十里與周巷

游山所接界南至慈谿縣土湖嶺三十里與慈谿縣接界北抵海浙之重地在寧紹而紹之重地

在觀海觀海安則自餘姚上虞會稽山陰蕭山以抵錢塘海寇難於出沒故衛城為二郡之重地

右營千把總輪防駐兵一百十九名轄臺七曲

塘臺

西至勝山臺十里與周巷汛接界東至鳴鶴場二十五里

東山臺

東至下寶

臺三里

下寶臺

東至港浦臺十里

港浦臺

東至旗山臺十里又至古

密臺五里

旗山臺

西至港浦臺十里東臨海

古密臺

東至松浦臺五里

松浦臺

東至開橋半里與鎮海營龍山所接界



本衛原設新浦一臺於康熙五十六年奉  
裁又本衛所轄龍山所改歸鎮海營統轄

### 台州府

台州三面阻山一面濱海南自溫州蒲岐北抵寧波  
昌國海岸五百餘里臨黃寧太之間四塞孤懸七  
港錯列論適中之地在新河論形勢之急在海門  
由海門而上直薄府城增設兵船嚴禦港口與桃  
渚健跳松門分守合備當不在隨汎出洋之例矣  
海門港一名椒江渡港水流入二十里之中一分  
台州城下一分黃巖城下為台郡之咽喉論者謂



欽定四庫全書

卷九十八

海門之防視鎮海為急鎮海水港既狹港外連山  
遠近皆可泊船分哨今海門港一潮之遠止有三  
山一座形小勢弱並無隱蔽港外四望汪洋更無  
山嶼回抱且西去府城僅九十里故其所係甚重  
也松門港紆縈屈曲東岸為朱門山又東為檣  
米門積谷山及下洋大陳嶼諸處外即大洋直抵  
日本北至化嶼龍王堂鯉港橫門大潭深門諸處  
與新河三汊港接南至鷄臍釣棚嶼礁鹿頭月嶼  
驪洋邳山諸處與靈門接臨顧在其南隘顧有急  
此港責守也靈門港東近海中鷄臍山與松門  
港接南接楚門洋坑下接峒礁山中州港南出  
海中茅堰山與蒲岐港接北出海中邳山與靈門  
港接桃渚港外接大海北達健跳有鹽塘除下  
仙巖諸海灣健跳港有長洛渡澗四百餘丈出  
海往茅頭大洋上接海中茶盤山至練陀等處下  
接海中青嶼黃毛礮至牛頭桃渚諸處新河港



港口淺狹  
大船難入

明洪武初置台州衛防守郡城其沿海特設松門衛

領隘顧楚  
門二所

海門衛  
領前千戶新河  
桃渚健跳四所

並隸松海備倭

把總統轄

松門衛

洪武二十年建在太平縣東五十里西北  
去府城百八十里去海一里本宋松門寨

改置衛東  
即松門港

指揮以下等官五十二員旗軍二千二

十五名轄臺一曰小高峰墩十曰甘泉

左與海中  
石塘山相

對

曰蒼峯曰烏沙

在烏沙浦距太平縣  
四十里南一里抵海

曰車路

在車



路

曰沙角曰磊石

在磊石山南距海與海中銅礁山對

曰荒盤

與海中片

嶼相對

曰蛤浦

與海中深竹山對

曰盤馬

盤馬山在太平縣南三十八里海上

曰松門寨巡檢司二曰沙角巡司弓兵八十名

在太

平縣南二十五里洪武二年設於岐頭山下二十年從此

曰盤馬巡司弓兵八

十名

在太平縣東南四十里

隘碩所

洪武二十年建在太平縣南三十里衛西南五十里去海一里北衛太平南阻楚門

城外四面皆山高插天表東北有慢遊嶺為松門之阻隘

千戶等官一十四員

旗軍五百六十七名轄臺一曰白崑

與靈門對

烽堠九



曰長沙

所城東北山下  
面水可以屯泊

曰岐門

近城

曰驪頭曰後灣

曰江館

與驪頭  
相連

曰靈門

直衝靈  
門海洋

曰長山

與水桶  
無相連

曰

曾蓬曰雀海坑巡檢司一曰小鹿巡司弓兵八十

名

在太平縣西  
南四十里

楚門所

洪武二十年建在太平縣西南六十里衛  
西南百二十里去海三里對岸為溫州蒲

岐南隔一小港為玉環山西北有東門港由所城  
至太平溫嶺江之道也沿山濱海而行山林茂密

水港出入又十五里  
高山環海為南灣嶺

十戶等官九員旗軍五百六

十七名轄堡寨一曰楚門漩

漩門山西南距海前  
與玉環九嶼相對



烽堠十五曰漁井

切近深海

曰洋坑

前與海中派并山對

曰梅壘

曰泥湖

與前山相對

曰楚門

前與大鹿山對

曰了髻

在玉環鄉地名山外

曰石橋

前與海中黃坎門對

曰清港

清港波在太平縣西南三十五里為三山楚門

往來衝要

曰東門曰西門

前與茅堰山對海關玉環山

曰苔山

在樂清縣

東南七十里海中

曰塔山曰小青山曰大青山

並在玉環海中

馬鞍山

在太平縣南四十里入十里至玉環山

巡檢司一曰三山巡

司弓兵八十名

在太平縣西三十里前與玉環山對

海門衛

洪武二十年建在府東南九十里去海里許衛北即海門港三面阻水為浙東門戶



水陸重鎮濱海散漫無險可依有三山峙立椒江南岸為衛境之望指揮以下等官

五十四員旗軍六百八十三名轄臺二曰東中在城

內曰中鎮烽堠一曰外水在山上左與郁江相對可瞭新河巡檢

司一曰長浦巡司弓兵一百名在黃巖縣東南四十里本界首巡司

前千戶所洪武二十八年建在衛城北七里去海二里南臨椒江與衛城僅隔一水兩城

對峙勢若輔車交托互援均為重地東北有連盤港港深而長背山面水健跳桃渚二港皆會於此

千戶等官一十四員旗軍一百九十六名轄臺一

曰畫眉山與外海擔門山相對近陳皋烽堠四曰中山左對擔門山



曰長沙曰輕盈

前對上  
下竹

曰磊石

左對大  
助頭

新河所

洪武二十年建在衛南五十里去海十里  
去松門隘碩黃巖各五卜里所謂適中之

地也東南即新河港陸有藤嶺  
及橫山諸處俱為戍守要地

千戶等官一十八

員旗軍八百六十三名轄烽堠四曰洋嶼

前對海  
中東西

洛山曰霓臺

左與三  
山相對

曰淨應

左對  
深門

曰新塲

左對狼  
機山

桃渚所

洪武三十年建在衛東北五十里為衛城  
府治之藩翰東即桃渚港東北十里有昌

埠港昌埠嶺南有青埠嶺北有白  
蓮嶺東有安聖寺諸處皆為衝要

千戶等官一十

七員旗軍四百一十一名轄臺一曰桃渚頭

右對  
大礮



頭烽墩十二曰石柱

近所城

曰停嶼

臨挑渚港

曰長跳曰

涸井

右對開海八達門地名鹽塘

曰昌埠

在東北昌埠嶺

曰大荆山曰

獅子山

在寧海縣南九十里近牛頭山

曰嶼頭曰肥孖頭

山下即牛頭門

曰下舊城

與東江隘磊石相連

曰望火樓

去牛頭七礮三里

曰中舊

城巡檢司

一曰蛟湖巡司弓兵一百名

在府東一百二里

健跳所

洪武二十年建在寧海縣南一百二十里衛東北一百十里去海五里三面阻山皆

羊腸鳥道惟東南山前距海東即健跳港

千戶等官一十一員旗軍二

百四十一名轄臺一曰高灣

左有長洛港

烽墩五曰茅



頭近裡嶼

曰拆頭

與武典隘相連

曰後沙

近所城

曰小漁西曰

大漁西

與間海頭陀山相對

巡檢司五曰曼巢巡司弓兵一

百名

在寧海縣南七十里

曰寶巢巡司弓兵一百名

在寧海縣東南

八十

曰越溪巡司弓兵一百名

在寧海縣東二十三里

曰長

亭巡司弓兵一百名

在寧海縣東百里

曰鐵場巡司弓兵

一百名

在寧海縣北六十里海口

松海把總統水兵十二枝

游哨漩門靈門鹿頭貓頭深門海門關主山東西磯

牛頭門靜寇門大佛頭

駐劉海門衛隸分守台金嚴參將



游哨本總親統大小戰船四十一隻兵八百五十  
三名汛期泊大陳游哨各外洋山島有警會合本  
叅游哨兵船及策應所在汛地協勦無事巡督各  
汛地兵船哨防

漩門哨哨官一員部領大小戰船八隻兵二百三  
十四名汛期泊漩門東南哨至大鹿海洋與金盤  
總黃坎門官兵會哨東北哨至邵山派弁與本區  
靈門官兵會哨



靈門哨哨官一員部領大小戰船九隻兵二百四十七名汛期泊靈門東南哨至邳山派并與本區漩門哨官兵會哨北哨至峒礁外洋與鹿頭哨官兵會哨

鹿頭哨總哨官一員部領大小戰船一十四隻兵四百六名南哨至峒礁與靈門官兵東北哨至釣棚與貓頭哨官兵各會哨

貓頭哨哨官一員部領大小戰船七隻兵一百九



十七名東南哨至釣棚與鹿頭官兵北哨至狼機山與深門官兵各會哨

深門哨哨官一員部領大小戰船八隻兵二百三十五名泊深門汎地南哨至狼機山橫谷山等處海洋與松門貓頭官兵北哨至三山海洋與關口官兵各會哨

海門關口哨哨官一員部領大小戰船七隻兵一百八十八名泊關口汎地南哨至三山與深門官



兵東北哨至旦門與主山官兵各會哨

主山哨總哨官一員部領大小戰船一十四隻兵二百六十八名泊主山汛地南哨至東洛與深門官兵會哨西哨至旦門與關口官兵會哨北哨至技人沙魯與牛頭門官兵會哨

東西磯哨哨官一員部領大小戰船七隻兵一百十五名泊東西磯汛地與大陳山主山官兵會哨牛頭門哨哨官一員部領大小戰船六隻兵一百



二十九名泊牛頭門汛地南哨至北澤拔人沙畧  
等處海洋與主山官兵會哨東北哨至漁西沙堰  
等處海洋與靜寇門官兵會哨

靜寇門哨官一員部領大小戰船六隻兵一百  
七十名泊靜寇門汛地南哨至漁西沙堰海洋與  
牛頭門官兵會哨東北哨至昏山五嶼海洋與大  
佛頭官兵會哨

大佛頭哨官一員部領大小戰船七隻兵一百



九十四名泊大佛頭汎地西哨至昏山與靜寇門官兵東北哨至渚門金齒門與昌國總官兵各會哨

台金嚴叅將嘉靖三十八年設統陸兵四總

左營前營中營

右營水兵一枝

游哨

駐劄台州府松海把總專屬調度

左營名色把總一員部領哨官五員兵五百四十

一名平時屯劄隘頑所汎期分布汎地兼顧楚門地

方一哨住守漩門與洋坑官兵會哨一哨住守洋

坑南與水桶壘北與後灣官兵會哨一哨住守靈



門南與後灣北與蒼山官兵會哨

前營

官兵同  
左營

平時屯割新河所汛期分布汛地兼

顧松門衛城池一哨住守蒼山南與後灣北與甘

輿官兵會哨一哨住守甘輿南與蒼山北與松門

寨堂會哨二哨住守松門寨堂南與蒼山北與盤

馬官兵會哨外應貓兒頭汛地兵船聲援一哨住

守盤馬南與松門寨堂北與新河椿頭官兵會哨

中營

官兵同  
左營

平時屯割海門衛汛期分布汛地兼



顧海門衛城池二哨住守新河椿頭南與盤馬北  
與海門關口官兵會哨二哨住守海門關口分佈  
岳頭長浦南與椿頭北與水寨官兵會哨屯守海  
門水寨南與岳頭長浦官兵會哨北應前所陳舉  
官兵聲援

右營

官兵同  
左營

平時屯劄海門關口汛期分布前所

各沿海汛地魚顧前所城池二哨與中營官兵住  
守海門水寨南與椿頭北應輕盈官兵會哨一哨



住守前所陳畧南與關口聲援北與輕盈官兵會  
哨一哨住守長河南與輕盈北應桃渚所沿海地  
方哨禦

游哨中軍名色把總一員部領大小戰船二十八  
隻兵五百六十一名汛期泊釣棚海洋游哨邛山  
大鹿等處外洋南接金盤總游哨北至大陳山與  
松海總兵船互相會哨

國朝經制額設黃巖總鎮魚轄台協寧海太平各協營



巡防海疆要地

黃巖鎮駐劄黃巖縣城

順治十一年調定海鎮駐黃巖十四年改為寧紹台鎮駐

府城康熙二年移右路水師鎮駐黃巖八年改設黃巖協移寧紹台鎮駐寧海九年裁寧海鎮改黃巖協為寧台總鎮十五年改為水師提督十九年復為寧台鎮尋復改黃巖鎮總兵官統轄標下中左右三營遊擊守備千把外委等官四

十二員兵二千五百七十五名

俱詳見兵制

戰哨船二

十五隻

內水艍船三隻犁艍船四隻中犁艍船一隻趕艍船一隻雙蓬艍船三隻雙蓬舫船

十隻八槳哨船三隻

分防海門衛陸汛按期酌配官兵駕船



更翻出洋巡哨

海門衛汛右營遊擊中營守備防守左營把總協

防駐兵三百名領大巡船二隻哨船一隻轄臺六

牛頭頸砲臺

係新設有官一員兵五十名  
巡船一隻南一里至本衛

家

子汎砲臺

係新設有官一員兵十六名  
巡船一隻西五里至柵浦臺

柵浦

臺

西五里至  
三山臺

三山臺

烽堠臺

北三里至  
牛頭頸臺

界

牌頭臺

去烽堠  
臺五里

康熙五十六年福浙總督滿保巡閱海疆題設牛  
頭頸砲臺本標三營輪撥把總一員本汛撥兵五



十名在臺瞭望巡船一隻派兵十名巡防雍正七年署浙江總督性桂巡視海道於海門添設大巡船二隻各配兵十名添設家子汛砲臺一座本標撥外委把總一員本衛撥兵十名在臺瞭望巡船一隻撥兵十名巡防

中營海汛內洋主山汛轄洋面七

主山

府東南一百七

十里紀青山東山頂設砲臺一座

黃礁門

西至深門

深門

東北為三山

三山

西北至海門口東北距老鼠嶼

老鼠嶼

東距川礁娘娘宮

川

礁娘娘宮

東北為紀青山

紀青山

東即主山

中營外洋汛轄洋面四

大陳山

中石二營方界

鳳尾



山 東箕山 西箕山

左營海汎内洋牛頭門汎轄洋面五 牛頭門白岱

門北 白岱門東南距米節門 米節門南為聖堂門 聖堂門

南屬木標 靖寇門北屬寧海營健跳汎

左營外洋汎轄洋面五 鵝冠山 雀兒嶼 東

嶼 西嶼 大漁山

右營海汎内洋鰲殼嶼汎轄洋面七 鰲殼嶼山頂

設砲臺 一座 沙鑊門西南至龍王堂 龍王堂 鷄臍山東南



為楊柳坑

楊柳坑

東至石塘山

石塘山

山頂設砲臺一座安兵七名

椰機山

北屬本標中營汛

右營外洋汛轄洋面三

釣棚

螭洋

洞正山

西南屬溫標玉環營汛

台協城守營副將統轄中左右三營都守千把外委

等官三十六員兵二千七十三名

俱詳見兵制

除駐劄

府城內守縣城外餘分防沿海各汛

關頭寨汛

東距府城一百里

右營千把輪防駐兵八十五



名轄臺三

門傑臺

寨北七里至本臺人北四里至柵下臺

柵下

臺

北八里至金家臺

金家臺

北十里至湮浦汎

湮浦汎

距府城一百二十里

右營把總輪防駐兵四十三名

轄臺一

湮浦臺

本汎北三里至本臺人東十里至赤礮汎

赤礮汎

距府城一百三十里係海口稽查船隻要隘處所西北十五里至田縣山臺與寧海

營汎按界

右營把總永防駐兵八十五名

吳都汎

距府一百二十里

中營千總輪防駐兵三十六名

小雄寨汎

距府一百二十里係海口稽查船隻要隘處所

中營把總輪防



駐兵八十五名轄臺四

昌華臺

去寨十里

高湖臺

去寨三里北十里至蝦蟆臺

蝦蟆臺

北至吳都汛九里

上鄭臺

去吳

邵汛三里

泗淋汛

距府一百二十里係海口稽查船隻要隘處所

中左二營把總輪

防駐兵三十名

梅壘汛

係海口稽查船隻要隘處所

左營把總輪防駐兵三十

名

桃渚寨汛

距府一百二十里係海口稽查船隻要隘處所

左營守備永防



把總輪防駐兵二百二十名轄臺六 上長臺北

里至十

千山臺

北十里至石柱臺

石柱臺

北至桃渚寨二里

手爐臺

在桃渚寨北二里

張司舉臺

在梅舉汛北五里本臺北六里

至太平臺

太平臺

北五里至泗汛

墾埠汛

距府城一百二十里

左營千總輪防駐兵四十八名

三石汛

距府城一百三十里

中營把總輪防駐兵三十六名

前所寨汛

距府城一百二十里係海口稽查船隻要隘處所南臨椒江與海門對峙

右營都司中營守備永防駐兵四百五十名轄臺



六 畫眉臺

北十里至岸頭臺

岸頭臺

北十里至三石臺

三

石臺

西至三石汎一里

竹嶼臺

在三石汎東北九里

新亭砲臺

係新設中營外委把總領兵十六名在臺永駐瞭望小巡船一隻在江面巡邏本臺二十里至章安

臺

章安臺

係新設右營外委把總領兵十六名在臺永駐瞭望小巡船一隻在江面

巡邏本臺東十里至本寨

小圓山砲臺

距府城一百二十里南通大海西至前所寨南渡江十里至海門衛

中營把總永防駐兵五十名

寧海營駐劄寧海縣城參將統轄左右二營守備千



把外委等官二十員兵一千一百七十三名

俱詳見兵

制除內守縣城外餘分防沿海各汛

石橋汛

東與台協亦礮汛接界

左營外委千總防守駐兵十

九名轄臺一田畧山臺

西距本汛十里

西廊汛

距縣城一百一十里北十里至大橫渡汛

左營千總輪防駐兵

二十三名轄臺二

白嵒臺

東十里至咽喉臺

咽喉山

臺

南距本汛五里

大橫渡汛

距縣城一百里

左營把總輪防駐兵十九名轄



臺二 大山臺

東距本汛十里西南  
二十里至火燄臺

火燄山臺

東至十閘坑二十  
里與健跳汛接界

竇鼻汛

距縣城七十里健  
跳汛北二十里

左營把總輪防駐兵三

十名轄臺一

竇鼻司臺

在健跳汛  
西三十里

海游寨汛

距縣五  
十里

左營千總永防駐兵四十四名

轄臺三

竇鼻山臺

北十五里至  
風坑山臺

風坑山臺

距北

本寨十  
五里

老鼠山臺

在本汛北二十里  
東二里至曼鼻汛

曼鼻汛

西二十里  
至東鼻汛

左營百總防守駐兵二十九名



東壘汎

距縣城三十里

左營把總輪防駐兵二十六名轄

臺三

牛腿山臺

在本汎南十里東五里至牛腿汎

爛頭山臺

在牛腿汎東二十里

王見山臺

在東山汎東十里

牛腿汎左營外委把總防守駐兵三十二名

東山汎

西距爛頭山臺四里

左營外委把總防守駐兵三十

六名

越溪寨汎

距縣城二十里

右營千總永防駐兵一百名轄

臺一

石牆頭臺

西距本汎十里東二十里至柘浦汎



柘浦汎

距縣城五十里

右營把總輪防駐兵四十名轄臺

一 柘浦山臺

西北距本汎二里東三十八里至胡陳汎

胡陳汎

距縣城八十里

右營千總輪防駐兵五十五名轄

臺三 楊梅山臺

在本汎南十里西十里至桐廬山臺

桐廬山臺

東十里至香花山臺

香花山臺

西十五里至大胡汎

大胡汎

距縣城一百一十里

右營把總永防駐兵一百二十

四名轄臺三

山頭馮臺

在本汎南十里南逼大海

車廬山

臺

在本汎東十五里東南十里至松廬山臺

松廬山臺

南臨海



溪下應汎

距縣城五十里

右營把總輪防駐兵四十六名

上下浦汎

在溪下汎北三十里

右營外委把總防守駐兵九

名

缸窰汎

上下浦汎北十里

右營外委把總防守駐兵二十

名

海口汎

缸窰汎北十里

右營外委把總防守駐兵二十名

西塾汎

海口汎北十里距縣城六十里

右營把總輪防駐兵四十

四名



健跳汎

距縣城一百五十里  
雍正七年改水師

左營守備永防領把

總一員兵二百五十名戰哨船六隻

內水船二隻係黃鎮標

撥入八槳哨船四隻係定鎮標撥入

汎期酌配兵船出洋巡哨

健跳海汎轄洋面二十一

靖寇門

南屬黃標左營汎

狗頭門

茶盤洋

五嶼門

滿山

寧台嶼

三門

羅漢堂

玉夷

長山門

九龍港

石

浦所

北屬定標中營汎

林門

南田山

大佛頭

羅

源

珠門

南屬黃標左營汎

急水門

花臺

青門



迷江山

太平營駐劉縣城叅將統轄守備千把等官六員兵

七百七十五名

俱詳見  
兵制

除內守縣城外餘分防沿

海各汛

松門衛守備永防千總協防駐兵二百九十一名

轄臺寨八塘汛口址五

平六都臺

衛北十三里  
本臺北十里

至盤馬

盤馬山臺

北三里至  
盤馬山寨

盤馬山寨

北十里至

山臺

林家  
浦臺

松門山臺

距縣五十里  
東南抵海

林家浦臺

北十里至



七都灣臺

七都灣臺

北五里至金清汎張烏滙

烏沙浦臺

北五里至

六都臺

六都臺

北五里至淋頭塘

淋頭塘

係新設北八里至蒼山口

址

貓兒河塘

係新設烏沙臺西五里

蒼山口址

係新設東北八

里至河頭口址

河頭口址

東南三里至松門臺人東三里至干鰓口址

干

鰓口址

北八里至本衛

隘頑寨汎把總永防駐兵一百三十七名轄臺四

汎地口址三

白巖山臺

北距寨城五里

脊嶺山臺

北

十里東十里至石橋後山臺

石橋後山臺

東十三里至沙角口址又東十里至



四都臺

四都臺

西十里至沙角口址

沙角口址

河頭口

址

西十五里至大塢根汎

大塢根汎

江下汎把總輪防駐兵一百十一名轄臺寨五口

址三

下婁山臺

西南十五里至青嶼臺

青嶼山臺

西五里至

大麥山臺

大麥山臺

西南至平頭山臺

平頭山臺

北半里至干嶺

寨

干嶺寨

青龍山口址

本汎東五里又東五里至小塢根口址

小塢根口址

湖霧口址

十里與溫州大荆營汎接界

金清汎把總輪防駐兵八十八名設小巡船二隻



轄臺四汎地二

金清臺

本汎東五里又東六里至洋嶼臺

洋

嶼臺

東八里至雙橋臺

雙橋臺

東五里至洪家塲臺

洪家塲臺

洋嶼汎

洋嶼臺東三里

張烏匯

本汎南六里

溫州府

溫州襟帶大海

府東九十里有雙崑海口內控郡城外連島嶼為郡境之門戶北毗

台寧南連閩粵

北至台州府三百三十里自海道而南至福州府二百二十里延

袤四百餘里深洋最多自流江至鎮下門江口飛

雲海安黃華蒲岐諸港止所在水路衝達外則寬



嶧三盤南麋南龍均為海山之要害而玉環島嶧孤懸水陸交錯實溫台之門戶全浙之藩籬戒備尤不容以不密也

明洪武初置溫州衛防守郡城其沿海特設海安瑞

安平陽三所

俱隸溫州衛

金鄉磐石二衛

金鄉衛領蒲門壯士沙園

三所磐石衛領寧村蒲岐後千戶三所

並隸金磐備倭把總統轄

海安所

洪武二十年建在瑞安縣東北三十里去海十里

千戶等官十七

員旗軍一千二百五十一名轄寨三曰前岡

相連梅頭



前與二礁東洛  
雙礁等山相對

曰後岡

後岡極衝逼臨深  
水洋有梅頭堡

曰丁田

在所東為  
戍守要地

烽堠四曰埭頭曰長橋

近城一里

曰鮑田

離城

五里  
曰店畝

離城  
十里

瑞安所

洪武二十年建在瑞  
安縣城內去海五里

千戶等官二十員旗

軍一千二百六十名轄寨二曰上塢曰東山

在所  
東北

與上塢東西分峙為犄角之勢坐臨海濱與梅頭  
巡司相連前有鳳凰山停泊兵船東為東山港

臺一曰白塔烽堠一曰錢家埠

前與海中銅  
盤山相對

巡檢

司一曰梅頭巡司弓兵一百名

瑞安縣東五里有  
海口為戍守要地



平陽所

洪武二年建在平陽縣城內去海十里

千戶等官十八員旗

軍一千二百三十二名轄寨三曰烽火曰江萊曰

汶路口

在平陽縣東三十里東臨海洋洋嶼門南援江口水寨北援眉石南北二寨地勢險

要

臺二曰山頂曰蔡家山峰堠三曰福泉曰半嶺

近海

曰峯瑞

近海

巡檢司二曰江口巡司弓兵一百名

初在下埠正統五年徙於江口渡頭在平陽縣南

曰仙口巡司弓兵一百

名

初在平陽縣東仙口山洪武二十年徙於縣南十里陌城山

金鄉衛

洪武二十年建平陽縣南七十里金舟鄉北至府城百八十里去海七里東北江口



肥艘炎亭海洋直衝南麂外洋並為險要指揮以下等官九十七員旗

軍四千九百二十八名轄寨十一曰廟背曰嶼門

曰肥艘

在平陽縣東南八十里寨東北兩面皆濱海又有肥艘堡嘉靖中置

曰大壘

曰炎亭

在平陽縣南衛東七里西南十里為大壘海口

曰大渡曰小渡

大渡

在衛東有大渡海口與海中千山相對南為小渡寨近蒲門所西臨海北鎮山與龜峯巡司相連

曰石塘

石塘山在平陽縣西北十五里

曰石坪曰小漁埭曰大漁

埭

二寨在衛東南聯坐海隅最為衝要

烽堠十五曰半塘曰尖山

左與

琵琶山相對可瞭長密五樹諸山

曰白崎曰馬蹟曰鳳凰

近炎亭

曰



貓頭曰上洋

前與南鼻嘴相對近連大壘

曰畢灣曰東岡

近海

嶺門

有嶺門隘

曰東山

近海與小

曰蒙灣

前與洋孫門相對

曰

蘭頭

近海

曰肥艚門曰真山巡檢司二曰肥艚巡司

弓兵一百名

近海前有綠鷹官壘等山相對

曰龜峯巡司弓兵一

百名

在平陽縣東南九十里嘉靖中廢置龜峯堡

蒲門所

洪武二十年建在平陽縣南百二十里去海里許有上下魁隘城門隘俱臨海口東

南即鎮下門官壘洋孫門直衝臺山外洋與福建烽火門接界

千戶等官十四員

旗軍一千二百三十二名轄寨二曰菖蒲洋

在所東海



濱有舊蒲隘  
三里即流江  
曰程溪  
在所東南南至海西抵鎮臺  
下門水寨蒲門之要區也

一曰水竹  
可瞭流江  
南鎮諸處  
烽堠三曰懸中  
前與鎮下  
門相對  
曰

四表  
去城四里  
曰南堡  
去城三里又五  
里與福建接界

壯士所  
洪武二十年建在平陽縣東  
北五十里隆慶初併入蒲門  
千戶等官十

五員旗軍一千二百三十二名  
轄臺一曰高洋  
地名地

上魁下魁城門  
隘在高洋總路  
烽堠三曰雷舉  
近海  
曰尖山  
近海  
曰時

家墩

沙園所  
洪武二十年建在瑞安縣  
東南二十里去海一里  
千戶等官十三



員旗軍一千二百五十名轄寨四曰陡門曰眉石

北在所東東至大海南會陌城北會陡門西至平陽所極為衝要之地曰仙口在所南近

平陽之仙口曰眉石南在所東南東濱大洋鳳凰山相接宋埠一湖可至西抵仙口

臺一曰眉頭烽堠四曰冷水舖前有齒頭山相對曰宋埠

曰仙口有仙口堡曰烽火與烽火寨相連

磐石衛洪武二十年建在樂清縣西南五十里去海一里指揮以下等官

四十九員旗軍二千一百五名轄臺一曰黃華在黃

華山前對竹嶼山切近大嶼烽堠七曰章嶼前對海中三盤大門曰雙峯



欽定四庫全書

卷九十八

卷九十八

在雙峯山上前  
與背烏相對

曰沙角

前對大黃巖

曰三嶼曰池臺

在山

上前對  
黃裙山

曰洋田曰日團巡檢司  
一曰館頭巡司弓

兵一百名

在樂清縣西南五  
十里館頭江口

寧村所

洪武二十年建在府  
東五十里去海一里

千戶等官一十六員

旗軍一千一百七十五名轄寨三曰沙溝

前對大  
變山

曰沙村

前對壇  
頭山

曰長沙烽堠六曰黃石浦曰沙溝

曰沙村曰七甲曰長沙曰九甲巡檢司一曰中界

巡司弓兵一百名

在府東青灣山東  
後遷於永昌堡



蒲岐所

洪武二十年建在樂清縣東北三十里去海五里

千戶等官一十

員旗軍九百四名轄臺二曰高嵩

在樂清縣東四十里高嵩山上

為所境之鎖鑰

曰下堡

離所城一里

烽堠八

曰東山曰南浦

前

分水山

曰後塘

與蒲岐巡司相連

曰鉞

前對橫門山離所城三里

曰婁

舉

離所城三里

曰下山頭

前對大山馬山

曰前塘曰雙陡門

外有

清

巡檢司一

曰蒲岐巡司弓兵一百名

後千戶所

洪武二十年建在樂清縣東三里去海五里去蒲岐所三十里

千戶等

官八員旗軍八百一十五名轄寨一曰白沙灣

在樂



清縣東五里有白沙嶺為水陸要害

烽堠三曰岐頭

前對大巖頭薛頭嶼近白龍港

曰平山

離所城五里南接嶼山北接白沙為樂清之唇齒

曰嶼山

臨海口前對麥

頭園

金盤把總統水兵五枝

游哨黃草飛雲江口鎮下

駐劄金鄉衛隸

分守溫處叅將

游哨本總部領哨官二員船四十八隻兵一千二

百五十五名汎期屯泊南麂海洋專禦南龍長瀨

竹嶼南漩綠鷹迤江流江南鎮一帶外海南與福



建烽火關北與本叅中軍游哨各官兵會哨為鎮

下江口二關外藩

黃華關

在磐石衛東三十里東接大海大小門霓巖南枕港口溫州之咽喉也

總哨

官一員部領哨官一員船一十九隻兵四百二十

名汎期屯泊梁灣海洋哨守橫坎門石河雙排大

鹿分水楚門漩一帶與台州塔山哨下接東洛遊

兵哨南接飛雲關各官兵交相會哨專禦樂清磐

石後蒲寧村一帶地方



飛雲關

飛雲渡橫截南北往來者必出於此東為飛雲水寨南臨海港外接鳳凰山內逼府

城郡境之要衝也

總哨官一員部領哨官一員船一十八

隻兵四百五十六名汛期屯泊鳳凰海洋哨守銅

盤長瀨齒頭南龍長腰一帶北接東洛南麕遊兵

哨各官兵交相會哨專禦海安瑞安沙園宋埠仙

口一帶地方

江口關

在平陽縣南二十五里下臨橫陽江為往來衝要又有江口水寨在金鄉衛東南臨

大海控五嶼等寨外接琵琶長腰  
陌城洋嶼等大洋為平陽門戶

總哨官一員部



領哨官一員船一十九隻兵四百五十五名汛期  
屯泊洋嶼海洋哨守肥艚炎亭石坪五嶼一帶南  
與鎮下關北與飛雲關下接南麂遊兵哨各官兵  
交相會哨專禦金鄉平陽仙口陌城一帶地方

鎮下關

在平陽縣東南百四十里坐臨  
大海設水寨戍守其東即官廳

總哨官一

員部領哨官一員船一十七隻兵四百三十六名  
汛期屯泊官廳海洋哨守洋蓀大嶼竿山潼頭一  
帶北與江口關南與福建烽火門下接南麂遊哨



各官兵交相會哨專禦蒲壯金鄉迤南大小葭一帶地方

溫處叅將嘉靖三十八年設統陸兵九總

標營左營右營中營

前營後營蒲岐營珠明營炎亭營

水兵二枝

遊哨隨征

駐劄溫州府金

磐把總專屬調度

標營名色把總一員部領哨官五員兵四百九十  
六名屯劄黃華關浦東岐頭衝要海口專禦磐石  
洋田章魯一帶地方南與後營官兵北與右營官



兵會哨

左營名色把總一員部領哨官四員兵四百九十四名屯劄蒲壯上下魁衝要海口專禦鎮下門流

江一帶地方南與福建交界北與中營官兵會哨

右營

官兵同左營

屯劄石塢衝要海口專禦樂清後所

一帶地方南與標營官兵北與蒲岐營官兵會哨

中營

官兵同左營

屯劄金鄉大小護衝要海口專禦大

漁埭七溪石塘一帶地方南與左營官兵北與珠



明營官兵會哨

前營

官兵同左營

屯劉平陽仙口衝要海口專禦宋埠

陌城眉石陡門一帶地方南與炎亭營官兵北與

後營官兵會哨

後營

官兵同左營

屯劉海安眉頭前後岡衝要海口專

禦寧村長沙七甲一帶地方南與前營官兵北與

標營官兵會哨

蒲岐營

官兵同左營

屯劉蒲岐下堡衝要海口專禦竹



嶼前後塘一帶地方南與右營官兵北與台州交界各官兵會哨

珠明營

官兵同  
左營

屯劄珠明衝要海口專禦金鄉一

帶地方南與中營官兵北與炎亭營官兵會哨

炎亭營

官兵同  
左營

屯劄炎亭衝要海口專禦肥艚一

帶地方南與珠明營官兵北與前營官兵會哨

遊哨中軍名色把總一員部領哨官二員大小戰

船五十二隻兵一千一百八十名汛期屯泊三盤



東洛麥園頭海洋哨守雙排齒頭門馬耳嶼一帶  
海洋南與金盤總遊哨北與台州松門兵會哨為  
黃華飛雲二關之外藩

本叅隨征領哨官一員部領大小戰船八隻兵二  
百四名汛期屯泊黃大畧海洋以顧南北有警應  
援

國朝經制額設溫州總鎮駐劄溫州府城

順治二年設副將至十三

年改設總鎮

兼轄平陽瑞安樂清大荆磐石玉環各協



營

原管處金衢三協康熙四十九年八月設處州鎮處金衢三協改歸處州鎮管轄玉環營雍正

六年新設巡防海疆要地

溫州鎮統轄標下中左右三營遊擊守備千把外委

等官四十二員兵二千五百二十八名

俱詳見戰

哨船二十二隻

原管二十七隻雍正二年八月奉文右營題改陸路瑞安營改為水

師右營分管戰船九隻撥歸瑞安營管駕雍正六年五月奉撥快哨戰船四隻歸中營二隻左營二隻今現在船分防沿海各汛按期酌配官兵駕船共二十二隻

更番出洋巡哨



中營陸汎千石汎千把輪防

一年一換

駐兵三十名轄

汎地一 羅浮汎

狀元橋汎千把輪防

一年一換

駐兵三十名轄烽墩三

座

左營陸汎寧村寨城遊守駐防駐兵八百四十三

名轄臺寨口次十一

茅竹山寨

去寨城二十里至龍灣山

臺

龍灣山臺

東北即海隔海二十餘里對磐石營

後陳隘口

一里

至黃石

山腎

黃石山腎臺

四里至藍田臺

藍田臺

一里至新臺



新臺

五里至沙村臺

沙村臺

十里至老城堡

老城堡

五里至七

甲臺

七甲臺

十里至四甲臺

四甲臺

十里至大梅頭山臺

大梅

頭山臺

五里與木標右營汎接界

寧村寨康熙八年設寧村營官兵防守至二十三年奉裁題歸木營管轄

右營陸汎梅頭汎

原屬瑞安營

魚轄海安所

蔣嶺汎

係新設

轄汎地五

白塔

霧前

陶山

大學街

嶺口

曹村汎

係新設

魚轄寶鄉汎



本營汎雍正二年八月為請吏閩浙等事案內題  
為陸營將瑞安原管梅頭汎并白塔寶鄉二汎改

歸本營

管轄

中營海汎轄洋面七

寬壩

在府東百餘里東南風可以泊船

三盤

四周皆小山南北風可以泊船

長沙

黃大壩

與黃華港直衝

大門

鹿西

據海道之衝

雙排

左營海汎轄洋面七

鳳凰山

山高大四面皆海可以泊船

大丁山

小丁山

皆鳳凰山傍

銅盤

近南龍可寄碇取水

南

龍

南龍山在北

白鰲門

與中營汎接界

北麂

共有三壩可以泊船



及樵

本標中營原管海汛內三盤霓壘大門黃大壘鹿  
西長沙白腦門銅盤大衢南龍各汛左營原管  
海汛內鎮下關北關金鄉南鹿官山琵琶鳳凰大  
丁山小丁山北鹿各汛右營原管海汛內橫址  
梁灣小門雙排茅硯烏洋大巖頭方江嶼大青山  
小青山黃門坎門車首頭各汛以上三營海汛  
於雍正二年八月為請吏閩浙等事題改右營為  
陸路瑞安磐石並為水師將三營海汛自南至北  
分作四股南洋一股自鎮下關與福建烽火門  
海汛接壤起北關官山金鄉琵琶南鹿北至大四  
嶼與左營海汛交界止歸瑞安營管轄中段一  
股南自大四嶼與瑞安營海汛接壤起鳳皇大丁  
山小丁山銅盤南龍北鹿北至白腦門與中營海  
汛交界止歸左營管轄又中段一股南自左營



白臘門海汎接壤起寬臺三磐長沙黃大臺大門  
鹿西雙排北至鹿西橫址與磐石營海汎交界止  
歸中營管轄北洋一段南自鹿西橫址與中營  
海汎接壤起大巖頭梁灣黃門坎門烏洋大青山  
小青山茅硯山方江嶼北至車首頭與黃巖鎮標  
海汎交界止歸磐石營管轄雍正六年為敬陳  
查復浙洋等事題設玉環營為水師將磐石營改  
仍為陸路其磐石營所管各海汎歸玉環營管轄

平陽營駐劄平陽縣城副將統轄都守千把外委等

官二十五員兵一千一百七十七名

俱詳見  
兵制除內

守縣城外餘分防沿海各汎

江口汎左營把總防守外委把總協防駐兵九十



一名

宋埠汛左營把總防守駐兵四十六名

墨城汛左營千總防守駐兵四十六名

南岸汛左營把總兼防駐兵三十五名

蒲壯寨城左營守備千總防守外委千把協防駐

兵一百四十一名

鎮下關左營把總防守駐兵四十六名

金鄉寨城右營都司千總防守外委把總協防駐



兵一百六十二名

橋墩寨右營把總防守駐兵六十六名

肥艚汎右營千總防守駐兵六十二名

北港汎右營把總防守駐兵三十四名

沙園汎右營把總兼防駐兵二十二名

叮埠頭汎右營把總防守駐兵五十名

瑞安營駐劄瑞安縣城副將統轄左右兩營都司僉

書千把外委等官十七員兵九百三十二名

俱詳見兵



制戰船九隻

四隻內洋巡哨五隻外洋巡哨

除內守縣城外餘巡

防水陸海汛要地

陸汛江岸汛

係要衝東臨大海南臨江口西十二里至瑞安縣城北至蜈蚣橋河與鎮

標右營梅頭汛接界把總防守駐兵一百一十名轄臺四

東山臺

建海邊山頂十里至江岸臺

江岸臺

海口首衝近本汛

上

塢臺

距本汛五里

北岸砲臺

海口首衝

飛雲北岸汛

東十二里至江岸汛南過江五里與平陽營南岸汛接界西五里至扶人

縣與鎮標右營白塔汛接界北五里至北湖嶺平與鎮標右營汛接界

把總防守駐



兵四十名

海汛守備領千把總輪巡轄洋面六北關官

山金鄉

琵琶

南麂

南麂山北接鳳凰山山無闊大坐臨深海外

皆大洋別無山嶼乘潮御風直抵飛雲渡

大四嶼

與鎮標左營汛接界

樂清營

順治十五年設

駐劄樂清縣城副將統轄都司僉書

千把等官七員兵八百九十名

俱詳見兵制

除內守縣

城外餘分防沿海各汛

蒲岐汛

東五里至鐮鉞汛與大嵛汛接界西三十里至三鳳橋與後所汛接界南三里抵海



北二里至河與  
大崧汎接界  
把總輪防一年一換駐兵一百三十名

轄臺六  
婁皋山臺  
萬橋口臺  
竹嶼臺  
牛

鼻洞臺  
白沙嶺臺  
白沙山臺

大崧汎

東十里至龍潭嶺與清江汎接界西二十里至賈皋與蒲岐汎接界南七里至岳頭

抵海北三十五里至左  
原嶺與清江汎接界  
千總輪防一年一換駐兵九十

五名轄臺五  
鏹鋤山臺  
下灣山臺  
小崧山

臺  
大崧山臺  
三江口臺

清江渡汎

東十里至東澤嶺與大崧汎接界西三十里至石岱山與大崧汎接界南三里



至渡口北二十里至窰把總輪防一年駐兵一百  
舉嶺與大荆營汎接界

三十名轄臺二汎地三梅舉山臺江巖山臺

清江嶺江巖汎窰舉嶺

後所汎

東二里至三鳳橋與蒲岐汎接界西五十  
五里至館頭口與溫州城守營接界南五

里至三塘浦與南岸汎千總輪防一年駐兵八十  
接界北三里抵縣城

五名轄汎地三館頭汎馬山撥汎下印撥

汎

本汎康熙五十六年增設館頭馬山下印  
三汎原隸磐石營雍正二年改歸本汎



南岸汛

東五里至三塘浦與後所汛接界西三十里至柳市與磐石營汛接界南三十里至

後橋與磐石營汛接界北五里至石馬橋與後所汛接界

把總輪防

一年一換

駐兵

九十名轄臺四汛地一

南岸口臺

南岸山臺

鹽盤臺

沙頭臺

沙頭汛

本汛雍正二年增設

大荆營

康熙元年設

遊擊統轄

原係參將雍正二年改遊擊

守備千把

外委等官十三員兵六百七十一名

俱詳見兵制

分防

沿海各汛



大荆城遊擊防守千總隨防駐兵二百四十五名

轄汎地二 盤山嶺汎 黃泥橋汎

水漲汎把總及外委把總防守駐兵六十四名轄

臺三 陡門臺 火燒潭臺 北峯嶺臺

巽坑汎把總及外委把總防守駐兵六十六名轄

臺二 白箬嶺臺 跳頭山臺

本汎原管牧牛垣要  
口雍正二年奉裁

橫山汎把總及外委把總防守駐兵六十六名轄



汎地二 大墳要口 靜底汎

本汎原管下塘渡口雍正二年奉裁  
入大井頭汎雍正六年奉裁

大芙蓉汎守備防守把總及外委把總隨防駐兵  
一百五十名轄臺二汎地三 西店嶺臺 海口

臺 荊竹嶺 水口廟汎 珠嶼汎

本汎原管荊竹孔汎西沿汎  
陷西臺雍正六年奉裁

蔡壘汎千總及外委千總防守駐兵七十四名轄  
臺二汎地一 朴頭山臺 蔡壘山臺 蒲壘汎



本汛康熙二十七年增設朴頭山蔡舉山臺  
蒲舉汛原隸芙蓉汛雍正六年改歸本汛

磐石營駐劄磐石寨城都司統轄千把等官三員兵

二百九十七名

俱詳見  
兵制

分防沿海各陸汛

陸汛千把總分防轄臺汛十四 天妃墩臺 西

山臺 洋田臺 池舉臺 曹田臺 岐頭臺

地團臺 西一舖 東一舖 大橋汛 黃華關

百華舖 地團汛 翁垵汛

本營自康熙九年復設寨城分防天妃臺館頭汛  
馬山撥下印撥西一舖木臺西山臺東一舖木臺



洋田臺大橋汎池舉臺曹田臺黃華關寨城岐頭  
臺百華浦汎地團汎地團臺翁垵汎沙頭汎沙頭  
臺於雍正二年間為請更閩浙等事案内本營改  
水師將館頭汎馬山撥下印撥沙頭汎沙頭臺裁  
歸樂清營管轄將溫州鎮標右營所管海汎自小  
門起至車首頭止汎內所轄梁灣大巖頭黃門坎  
門烏洋港大烏山小烏山茅峴山方家嶼等汎撥  
歸本營巡防於雍正六年間為敬陳查復浙洋等  
事案内本營仍改歸陸路將前轄海汎俱歸新設  
玉環營巡防本營仍分防天妃臺西一舖西山臺  
東一舖洋田臺大橋汎池舉臺曹田臺黃華  
關岐頭臺百華浦地團汎地團臺翁垵汎

玉環營

雍正六年  
新設

叅將統轄左右兩營守備千把外委

功加等官十九員兵八百九十六名

俱詳見  
兵制

戰哨



船一十六隻

左營八槳船四隻內二隻在後坡汎沿邊巡查一在楚門汎沿邊巡查一

在大成寨汎巡查 右營戰船八隻內一隻專防坎門汎一貼防長嶼一貼巡坎門長嶼一輪巡內外洋汎四留泊本營江口 快哨船四隻內一隻哨巡烏洋港一哨巡梁灣一哨巡黃門一哨巡沙頭巡防水陸海汎要地

左營陸汎楊寨寨城叅將及守備防守駐兵九十

八名汎期輪巡洋汎

二月一換

後坡汎千把總輪防

一年一換

駐兵一百七十名轄口

址九

車首頭

離城三十五里

裏寨

水孔口

塘洋



口

塘洋山臺

離城十五里

東青山

東青山半在城內

西

青山

西青山在城外

西灘

坎門

楚門汎千把總輪防

一年一換

駐兵九十名轄口址八

桐林

梅畧

楚門口

楚門山臺

琛浦

離城

二十里

下灣

蘆畧

沙畧

大城畧汎千把總輪防

一年一換

駐兵九十名轄口址

八

南大畧

普竹

連嶼

白磴渡

大麥嶼

大古順

小磔

鷺鷥灣



右營海汛內洋坎門汛千把總專防

二月一換領戰船

一隻兵六十五名轄臺七坎門大巖頭梁

灣烏洋港大烏山小烏山方家嶼

內洋長嶼汛外委千把貼防

二月一換領戰船一隻兵

三十四名轄洋面九車首頭分水山女兒

洞乾江沖擔沙頭洋嶼大鹿披山

已上二汛別有外委千把一員  
領戰船一隻兵三十四名輪巡

內洋烏洋汛外委千把輪巡

二月一換領哨船一隻兵



十五名

內洋梁灣汛外委千把輪巡

二月一換

領哨船一隻兵

十五名

內洋黃門汛外委千把輪巡

二月一換

領哨船一隻兵

十五名

外洋沙頭汛外委千把輪巡

二月一換

領哨船一隻兵

十五名



浙江通志卷九十八



欽定四庫全書

浙江通志卷九十九

風俗上

記曰移風易俗天下皆寧是風俗之有待於移易  
由來尚矣兩浙水土風氣不齊故民俗淳漓不一  
聖朝六字同風家不殊俗而厚生正德

教養兼施浙民之感孚尤為淪肌浹髓是以民日遷善  
而不知道德以一風俗以同觀於浙而知王道之



成也志風俗

浙江全省

周禮職方氏東南曰揚州其民二男五女其畜宜鳥

獸其穀宜稻

吳越春秋水行山處以船為車以楫為馬

漢書地理志吳越之君皆尚勇故其民好用劍

左思吳都賦士有陷堅之銳俗有節概之風

隋書地理志江南之俗火耕水耨食魚與稻以漁獵



為業信鬼神好淫祀君子尚禮庸庶敦龐

宋史地理志人性柔慧尚浮屠之教厚於滋味善進  
取急圖利而奇技之巧出焉

葛澧錢塘賦歌唐誦虞詠仁蹈德長者皆不厭不倦  
幼者亦克岐克嶷升降以齒人遵長幼之序漸摩  
有素俗安禮義之守學古者不知力農之勞通衢  
者不知奇巧之法熙熙陶陶含哺鼓腹沐浴皇靈  
優游化國



咸淳臨安志有車船槳櫓之蹟故其人至今忠以勤  
有苗山封爵功德之會故其人至今勸於為善有  
犀貝橘柚之貢故其人至今知尊君而愛親

志雅堂雜鈔兩浙上直天市垣故市易浩瀚

周起莘雷琴記兩浙人文區藪浙以西之文華而靡  
浙以東之文清以淑

舊浙江通志浙東多山故剛勁而隣於亢浙西近澤  
故文秀而失之靡



杭州府

錢塘縣

附郭

仁和縣

附郭

後漢書張霸傳郡中爭厲志節習經者以千數道路  
但聞絃誦之聲

隋書地理志川澤沃衍有海陸之饒珍異所聚故商  
賈並湊

歐陽修有美堂記其民富足安樂其習俗工巧邑屋



華麗

蘇軾上執政書三吳風俗自古浮薄而錢塘為甚雖  
室宇華好被服粲然而家無宿舂之儲

蘇軾表忠觀碑其民老死不識兵革四時嬉遊歌鼓  
之聲相聞

晁補之七述杭俗尚工巧家夸人鬪窮麗殫好八方  
之民車湊舟會角富而衍寶

秦觀雪齋記其俗工巧羞質樸而尚浮華且事佛為



最勤

葛澧錢塘賦俗享再稔之利婦蠶八育之綿

夢梁錄杭州湖光山色之秀鍾為人物所以清竒特

傑為天下冠

方輿勝覽市列珠璣戶盈羅綺湖山信美於他邦獄

訟亦煩於諸郡

武林舊事制度禮文彷彿東京之盛

戴表元學古堂記三吳之州莫大於杭其地山穠水



欽定四庫全書

卷九十九

妍其人機慧疎秀而清明其俗通商美宦安娛樂  
而多馳驅

萬厯杭州府志省城士夫多愛惜名檢不敢以貴勢  
凌人鄉人以事爭競來質者多閉門謝之無敢武  
斷凡置買田宅皆平價貿易若度越疆界公行占  
據者輒為清議所擯山澤舟航之利世業在人  
不忍攘之以自封殖蓋雖無公儀拔葵風度而自放  
於禮法之外者鮮矣至於大夫守令有愷悌宜民



者同聲頌之無異詞其執持公道崇尚清議為列  
郡稱首庶民雖日覲上官威儀至以獄訟造庭者  
蒲伏不敢出氣其馴良畏法如此

萬厯杭州府志鄉先達有于肅愍之戮力王室不顧  
私家故其民尚奇節而恥言勢利有胡端敏之慷  
慨致身見形察影故其民長慮却顧而務挾幽微  
有王僉憲琦之清介絕俗故其民知廉潔而好義  
有項郎中麒之力卻餽遺故其民多檢飭而惡貪



近世如江大叅玘之世篤忠貞惠憲副隆之杜門  
掃軌張少叅銓之不昵貴幸翁太守相之靜退自  
甘許右史應元之内外修潔高文端儀之正色立  
朝江學憲圻之純孝清修此數君子者大則成功  
於再造次則義烈於鄉邦次則行修於一已斯皆  
足以激厲士心敦厚風俗為杭之表式彬彬盛矣  
徐一夔告鄉賢文茲邦以德行文學事功風節顯者  
代不乏人



錢塘縣志婦女雖喜華服飾而閭閻之習尚勤率作  
每日絡絲襍紙及箴紉履襪之類日可入錢餬口  
仁和縣志地無曠土田無不耕

### 海寧縣

胡珵儒學記鹽官地並海民逐魚鹽為生列肆負販  
自張九成師弟以儒學顯一時三年之間磊落相  
望

陳昱鹽官縣廳壁記耕桑之地足以衣食魚鹽之利



足以資給

劉基送張知縣序大民儒儒小民愉愉朝出暮歸詆歌滿塗

張安茂儒學記鹽官地濱東海蓋僻壤云然人文之盛甲於四方邑之隸武林者九弗能尚也

海寧縣志風俗簡儉農耕婦織家給人足俗尚敦慤鮮有游惰其民操牢盆者輸鹽租治桑麻者任土貢



富陽縣

楊維禎曹侯惠政碑富陽無沃土美壤以當大府之  
需故民勞而貧俗訐而澆

宣德富陽縣志富春雖濱江居民不以魚鹽為業男  
力耕耨女勤蠶織田野樸厚士習禮讓慕高逸亦  
專科舉之習有弦誦之風焉

杭州府志業詩書者崇氣節居畎畝者敦樸素

富陽縣志邑人率造紙為業老小勤作晝夜不休村



落多種柏樹參差成行採子為膏以應造燭之用

餘杭縣

劉希賢潛公井記尊愛長吏有兩都餘風

徐一夔縣學記餘杭山水之邑其民多秀而知學

嘉靖餘杭縣志早作晏休閒闕種藝務盡地利之所  
有男務耕作女勤織紉尤善御蠶閭閻童穉皆知  
服業百工技藝舊皆外郡之人今多出本邑

嘉靖餘杭縣志俗近還淳富室子弟循循雅飭崇樸



素而去浮華遠詐偽而近禮義差役樂於趨事士  
大夫皆崇尚名節昏嫁喪葬一從簡約

餘杭縣志山水清佳風氣樸茂孝弟力田有太古之  
遺

臨安縣

孫觀縣學記居大山谷中桑麻絲枲之富自足而無  
貧民

徐一夔縣學記風俗淳固其人素知詩書



黃汝亨縣志序其俗簡樸而勤

嘉靖臨安縣志民尚樸素爭訟寡少士知學問禮義漸興男務耕桑女勤蠶織疾病多信巫鬼喪葬多

尚佛老

臨安縣志俗重遷徙數十世不忍析居故著姓較他邑獨蕃山多田少鮮巨富祇竭力農桑以給公輸乏珍產無奇技淫巧婦女繅絲北工於南商賈貿茶南多於北



於潛縣

邵文炳袁繡堂記俗儉而質民勁而武難服而易化  
愛敬而不忘

於潛縣志男務耕桑女務紡織治生之勤踰天下山  
多田狹賦稅不及省會大縣十一樸魯尚質務本  
寡訟篤信巫鬼喪葬多用佛老

新城縣

方廉縣志序新城為縣僻處山間地瘠而產薄俗嗇



而用儉敦厚樸茂之風未始或泯山居野處不競  
紛華男耕女織不習浮曠君子以儉小人以嗇  
萬厯杭州府志訟簡民安閭閻之樂可想見也

新城縣志草萊盡闢機杼聲聞有淳厚之風士民冠  
服布素禮汰繁文仕則廉謹持法不苟徇榮祿

昌化縣

陳居仁縣學記僻在巖谷務本力田教明俗化俊秀  
輩出衣冠相望



錢鉞譙樓記民樸以茂恒事耕作樵採以自食其力  
少爭鬪訟評

萬厯杭州府志刀耕火種力殫於山菑畲刈獲力盡  
於地楮漆薪炭貨殖於商勤生嗇用視棄一錢如  
拱壁家延經師爭自磨淬章縫之盛倍於往昔民  
有疾輒巫禱故知醫者少

昌化縣志環山而處敦土為安俗尚淳龐多至性

杭州府志冠禮男子年十六筮吉日選賓饌告諸  
家廟三加訓戒女子于歸日母為之加笄重昏媾



也昏禮士大夫家以門第相尚謀諸媒氏通東問名佐以簪珥絳帶謂之傳紅彼此持帖往還又謂之拜望次行納米咸尚豐美又次納徵復以羊酒果餌相餽謂之加笄婚期尚行親迎古禮間用綵轎華燈鼓吹前導迎至中堂壻婦行交拜禮合卺後盛服出拜翁姑次及尊長至問巷細民多從簡約喪禮始卒男免女髻分計受唁親朋多致賻奠猶存古意七日一祭好作佛事葬時靈輒前陳列方相銘旌導以鼓吹仙梵墓所親友執紼畢集合寔始歸闋三日辰祭新阡謂之覆墓祭重生辰諱日牲牲酒醴備極豐潔清明各携穀核香燭親詣封塋辰拜酌酒焚楮十月掃墓亦如之立夏祭先薦陳時物較他府為獨重至歲時伏臘或祭於家或祭宗祠豐儉不一皆藉是以展追遠之敬也夢梁錄元旦士大夫交相賀細民男女亦鮮衣往來拜節遊玩琳宮梵宇竟日不絕



西湖遊覽志正月朔為椒柏酒以待親戚隣里以春餅為上供藝栗炭於堂中謂之旺相貼青龍於左壁謂之行春插芝麻梗於簷頭謂之節節高簷柏枝於柿餅以大橘承之謂之百事大吉自此少年遊冶翩翩徵逐至十八日收燈然後

學子攻書工人返肆農商各執其業

杭州府志元宵前後五夜張燈通衢委巷懸額綴綵皆以錦緞絲繡為之如入萬花谷中終夕鼓吹不絕鄉村婦女於十五夜召廟姑以卜一歲吉凶并蠶田豐歉

夢梁錄二月朔中和節民間以青囊盛百穀瓜果子種互相遺送為獻生子花朝都人往錢塘門外至玉壺古柳林雲洞嘉會門外包家山張太尉園玩賞奇花異木包山桃開如錦障極可愛杭州府志二月花朝以往士女爭先出郊謂之探春畫舫輕舟櫛比鱗集先南屏次放生池湖心亭



岳王墳盧舍菴後入西陵橋放鶴亭比來臯亭山  
劉墳村每當春日桃花盛放一望如錦遊人多問  
津焉

武林舊事清明人家上冢南北兩山間車馬紛然  
而野祭者尤多如大昭慶九曲等處婦人擔粧素  
衣提携兒女酒壺散核村店山家分  
餽遊息至暮則花柳土宜隨車而歸

錢塘縣志上巳出遊  
西湖士女皆帶薺花

海寧縣志四月立夏夏日以諸果品雜  
置茗椀親隣彼此餽送名曰七家茶

西湖遊覽志四月八日俗傳為釋迦佛生辰僧尼  
各建龍華會以小盆坐銅佛浸以糖水覆以花亭  
鏡鼓迎往富家以小杓澆  
佛提唱偈誦布施財物



昌化縣志四月八日寺僧以楝葉

染米作烏飯供佛或分送檀越

夢梁錄端午日家買桃柳葵榴蒲艾并市艾糰五色水團時果五色瘟紙當門供養佩赤靈符采百

草製藥以辟邪

杭州府志端午祀神享先畢各至河干湖上以觀競渡龍舟多至數十艘岸上人如蟻近日半山龍舟爭盛俱於朔日奔赴遊人雜沓不減湖中

西湖遊覽志七夕市中以土木雕塑孩兒衣以綵服號為摩睺羅

夢梁錄七夕女郎望月瞻斗列拜次乞巧於牛女或取小蜘蛛以金銀盒盛之次早觀其網絲圓正名曰得巧中秋登樓臨軒酌酒高歌為竟夕歡



欽定四庫全書

卷九十九

元和郡縣志江濤常以月十日二十五日最小三日十八日極大每年八月十八日數百里士女共

觀舟人漁子泝濤  
觸浪謂之弄潮

西湖遊覽志九日以蘇子微漬梅酒雜  
和蔗霜梨橙玉榴小題名曰春蘭秋菊

夢粱錄九日以五色粉塑成獅蠻以小綵旗簇之  
以熟栗為細末入麝香糖蜜和之貫酒玩菊以應

節序

武林舊事十月杭人競售錦裝新厯門神桃符鍾  
馗後貌虎頭及金縷綠花春帖幡勝之類為市甚  
盛

夢粱錄十月朔士庶出郊掃墓冬至歲節士庶所  
重餽遺儀文及舉杯相慶祭告宗裡加於常節除



夜換桃符門神鍾馗祭祀宗祖夜則迎神備香花供物圍爐團坐謂之守歲

## 嘉興府

嘉興縣

附郭

秀水縣

附郭

葛邲貢院記得江山之助其人秀而文

方輿勝覽土膏沃饒風俗淳秀文賢人物之盛前後相望百工技藝與蘇杭等

至元嘉禾志罕習軍旅尤慕文儒不憂凍餒頗勤農



務

楊維禎聚桂軒記秀在宋為文物之邦至今士多興  
於學處廛者亦類皆鴻生碩彥

弘治嘉興府志嘉禾之俗終歲勤動餉給於國而尺  
寸之土必耕衣被他郡而機杼之聲不絕士人好  
文而崇學衣冠文物煥然可觀

萬厯嘉興府志春秋時槁李當吳越之交自越王甲  
粢乙黍丙菽丁粟非夫人之織不衣而農桑重吳



王鑄山煮海而鹽鐵重務本節用寢以富强

萬厯嘉興府志聲名文物冠裳濟濟逡巡揖讓無少  
惰容秉禮之家不踰矩矱

蕭子鵬思樂堂記章甫縫掖之士閭閻秩秩

李貞開烟雨樓賦城郭森羅市廛錯列高門納駟甲  
第連雲紅粟流行禮樂孔殷

蔣靜黃田港開記富商大賈長棧巨舶夷蟻海錯魚  
鹽米布之屬輻輳城市居民富饒市邑繁盛



李日華秀水百詠序賦稅日增生齒日盛才傑輩出  
為時名卿第宅宮廬不讓兩京陸無險巖樹藝得  
食其膏水無衝激餘艘得以走集

黃洪憲縣志序邑人士多饒秀嫻文章接轂傳圭弁  
冕吳越

秀水縣志秀邑人士斤斤自好以孝弟力田為本務  
嘉善縣

錢福水利成功碑記嘉善膏腴之壤平鋪如席無高



山大澤賦稅戶田最為繁盛

弘治嘉興府志士慕文儒沃土腴壤民不勸而耕樂  
從乎上視他邑固易易也然而信巫鬼崇異教豈  
舊習未革歟

胡濬表賢錄序邑之俊造皆師古好學其民淳樸易  
治

章士雅縣志序人文鬱勃風氣淳龐土沃而民饒  
莫大勲儒學序魏塘忠孝節義甲於嘉禾理學科名



聲高東國麟麟炳炳自昔攸聞謂非教育涵養者  
深歟

姚弘謨築城碑記樂田畝重興作

海鹽縣

李正民儒學記海鹽地形高仰潮汐之至非有山谷  
隄防而人居以安其土黃壤其井泉甘魚鹽之利  
既溥又溝洫之水不可瀦畜故民皆服田力穡利  
於早熟市廛編戶家給人足喜教子弟以詩書士



大夫之裔亦各世守其業地既斗絕一隅舟楫人跡罕至無奇貨異產動其耳目故能安習而不遷李鼎小學記里巷間絃誦之聲相接

許氏貽謀男勝耕悉課農圃女勝機悉課

蠶織

弘治嘉興府志海鹽素習魚鹽之利俗樸而好文儉而知義安土而不樂商賈士大夫喪葬率用古禮閭閻多化之

海鹽縣志鹽邑斥鹵民率煮海為鹽田圃之間所產



者禾麥麻桑而已其他多資之旁邑易之商旅

石門縣

沈括儒學記稻蟹之利轉徙數州

朱德潤鄉賢祠記士美民秀夙稱多賢

貝瓊西郭生傳俗質而尚文

陳履縣志序崇故良邑以易治稱

陳允堅學田記禦兒故稱饒庶

石門縣志石邑接壤杭湖士大夫尚文學習禮義然



射利近華信鬼重巫習未盡革也至重桑麻勤稼  
穡民多淳樸

平湖縣

弘治嘉興府志平湖多秀民天性巧慧重文學尚氣  
節其居田野者夫耕婦織最為勤苦然信巫鬼重  
淫祀習奢侈挾智鬪訟者往往有之年來文教漸  
盛而風俗亦漸移易矣

朱維熊義學碑記湖邑大海廻環生其地者多鍾九



峰三泖之秀以故名臣輩出科名甲七邑

平湖縣志邑既僻處東偏工作無他技巧桑多於桑  
布浮於帛士大夫家勤女工猶什之七

平湖縣志其境僻無叢奸其習樸無竄貨其去鄉重  
其射利愜故男不逋畝女不下機

桐鄉縣

至元嘉禾志魚并好勝挾持善鬪楚越之舊染

莫光朝青鎮徙役記青鎮介湖秀之間水陸輻輳生



齒日繁富家大姓甲於浙右

弘治嘉興府志俗務農而習樸高原樹桑麻下隰種  
禾麥尺寸無曠者

桐鄉縣志桐處古吳越之疆秦伯遜讓之遺風夏禹  
勤儉之遺習漸漬既久兼而有之

至元嘉禾志冠禮男子十六始冠亦有昏而冠者  
女子于歸乃笄聚族張筵几冠笄皆吹大饅餽遺  
親里始諱其名而字之昏禮納米納徵委禽親迎  
多遵古道喪禮始卒以六輪經辨生肖所忌日批  
書男免女壻斂用綿及帛斂畢設銘旌賓始弔每  
七作佛事七七謝孝衰服拜其門葬日姻友至墓



所餞祭具方相器銘旌梵音交雜流  
響葬後三日子孫至墓所曰覆墓

萬厯嘉興府志元旦整衣冠焚香拜天地祀宗祖  
男女聚拜飲椒柏酒親朋互相投刺曰賀節人日  
女子上綵勝於祖父母元夕前鄉人束芻於木末  
燎以祈年曰燒田蠶城中揭燈於竿鼓吹遊行曰  
迎燈清明挂紙錢於墓立夏以百草芽採粉為餅  
相餽遺端午艾旗蒲劍懸於門飲菖歎酒七夕瓜  
果雜陳曰乞巧八月望以百果為大餅名月餅以  
百果和糖名倖糖賞月達曙九日造栗糕插菊花  
十月朔祀祖先掃墓冬至合祀宗祠臘月鄉人以  
朱墨塗面跳舞於市行古儺禮除夕易門神桃符  
寫春帖并磴俱封爆竹燭柴設  
酒散聚飲鑼鼓徹夜謂之守歲  
海鹽縣圖經元宵先結錦綺為竹棚夜  
放火樹縱遊人觀燈遠近百里畢集



桐鄉縣志三月三日農家婦女出  
避於外曰避青晚食螺螄曰挑青

嘉興縣志八月朔食鰻魚八月二十四  
日葦生日除夕燭柴於門外曰燒火爐

嘉善縣志孟冬朔日  
食米團曰開爐節

海鹽縣圖經除夕家置炒豆米  
元旦且食且祈曰湊投湊投

## 湖州府

烏程縣 附郭

歸安縣 附郭

杜氏通典永嘉之後衣冠萃止文藝儒術斯之為盛



雖問問賤品處力役之際吟咏不輟蓋因顏謝徐  
鮑之風扇焉

蘇軾墨妙亭記吳興民足魚稻菱蒲之利寡求而不  
爭

張方平府學記吳興山水發秀人文自江左而後清  
流美士餘風遺韻相續

王十朋湖州謁廟文湖學之盛東南鮮倫風似鄒魯  
民同蜀閩



李直方白蘋亭記其人壽其風信實

張世昌崇順菴記由吳興而東皆平川沃野其俗敦  
龐勤儉故治業易滋養生送終得以盡心而無憾  
有古之遺風焉

程邨新復青塘隄岍記民淳俗厚政化易施

李心傳南林報國寺記烏程之南林耕桑之富甲於  
浙石土潤而物豐民信而俗阜行商坐賈之所萃  
趙孟頫吳興賦家有詩書之聲戶習廉恥之道



商輅湖州府學記土田膏腴居室庶饒學校人才之盛稱於歷代

楊慎跋岷山圖地則秔稻交疇里實桑榆蔭道

趙時春送張湖州序地腴而民質傭租易給

王穉登喜留亭記其產多蠶桑竹木魚稻果蔬之利俗號殷富

茅瑞徵吳興掌故序吳興風俗最近古樸其土人雅稱率素濶達而峭直其里閭力本務穡惟斤斤以



勤儉長子孫無敢傲康以墮先業

西吳枝乘湖氏力本射利計無不悉尺寸之隄必樹之桑環堵之隙必課以蔬富者田連阡陌桑麻萬頃而別墅山莊求竹木之勝無有也

吳興掌故會集止以契濶慶弔不為戲游飲詭陸博  
慕奕鮮所藏設

范應期縣學記炳靈發祥代鍾名哲詩書弦誦等於  
齊魯魏科廩仕甲於旁邑



烏程縣志俗樸風恬恂恂儒雅婚媾論財雖士大夫  
不免衣服飲食向多野樸布衣之外間以綢絹不  
尚綺飾上十區之民多貧下十三區之民稍富田  
之厚薄分而所入亦殊焉

歸安縣志儀雅而周以巽語剽而輕以浮

歸安縣志東鄉業織南鄉業桑菱蓄魚西鄉業薪竹

北鄉業蔬靛

長興縣



史巖之進士題名碑吳興士風之盛甲於浙西而長城視旁邑為尤盛士由科第奮興肩背相望

劉燾進士題名碑記水逶迤而清深山連屬而秀拔人才之生是以似之

楊維禎韓侯去思碑地臨奧區農多艱食其土俗浮咭好盤遊喜氣勢競訐訟

熊明遇箸溪書院記天目茗水之間鄒魯之風在焉長興縣志山水雄壯故人多尚氣士習較郡中差為



淳樸

德清縣

蔡汝楠贈郝令序德清本山水之邑山鄉多樵蘇泉  
壑之利處水鄉者引水灌溉輒成腴田其民饒樂  
久遠

金明時熊侯去思碑記邑介山澤之間俗瘠而役煩  
許孚遠縣學記德清山川清麗民俗淳簡為之士者  
有敦樸謹愿之風焉



德清縣志冠婚喪祭悉敦禮讓議姻則嚴氏族舉葬則急塋兆故立葬社以周貧行多婚於凶歲皆事之近古者

武康縣

桂華鄉賢祠記武康邑小地偏不通商賈貨利故其民性愿而近道習淳而敏於為善

武康縣志務農桑而無曠土樂敦樸而無頑民所事山蠶藹有邠俗之遺



安吉州

劉希仁縣令題名記鄣南賦繁事劇尤為難治

蔡汝楠州志序吳下文盛淳風久濤州在山中尚不失敦龐古始之意

吳瓏明倫堂記吳興文明上郡獨安吉為州而人士舉業且蔚乎紛郁矣

安吉州志其土瘠薄故鮮富室罕積聚其小民不出境事商賈不習工藝故多貧婦尚貞節郊外絕無



遊女婚娶不親迎居喪不按家禮病不醫藥多事  
禱禳

孝豐縣

黃朝選縣治記林篁僻遠易服難馴

孫在豐楊侯建學詩序人士大都視聽閒靜未嘗馳  
騫聲華代有雋望

孝豐縣志東地沃而侈近浮西地瘠而鄙且險好鬼  
而務訐尚詐而蔑禮近則壽考相望儒業頓起宮



室率務堅樸無雕刻堊黝之飾男婦服制不常夏則衣苧冬則衣棉儉素之風居多富家燕飲多事豐腆山村儉樸有汙樽杯飲之風

吳興掌故湖族婚時遇暮夜親知家各助以燈燭有親喪者賜奠之禮輿不敢受云不敢以親累及人喪葬送者雲集其費一出於親知所辦隨其力之大小以邀送客終制之日出外服素青服而家居素服若心喪者過三拜方通用吉服

吳興掌故元旦家具糕勝香燭供三正堂三日或至半月祀門戶神甚謹不敢以家鬼先之孝豐縣志社日各村率一二十人為一社屠牲醢酒焚香張樂以祀土穀之神謂之春福



烏程縣志二月二日士女皆摘蓬葉挿於頭諺云  
蓬開先日早戴了春不老四月立夏家多祀竈以  
火德王也時蠶已三眠稍葉者三日後任從採摘  
梅雨農家賴以種田俗名燒鵝汁其時有雷則多  
魚無雷謂之啞黃梅立冬日以野菊花金  
銀花茄根蘆幹之類煎湯沐浴謂之掃疥  
西吳里語清明居氏各糴彩舟於溪上為競渡  
謂宜田蠶始於寒食至清明日而止謂之水嬉  
西吳枝乘吳興以四月為蠶月凡官府勾攝  
徵收及里閭往來慶弔皆罷不行謂之蠶禁  
歸安縣志四月八日以  
楝葉染米啖青精飯  
吳興掌故七月望日盛為蘭盆會好事者浮水燈  
為水陸會常以膏泛粥事神祀禮重十月朔墓祭  
與清明畧同霜露感情  
不能自己正合古禮



西吳里語各村歲晚以竹葦雜他草木束炬舉火燃之名曰照田蠶謂宜耕種育蠶二事

寧波府

鄞縣

附郭

陸士龍答車茂安書火耕水種不煩人力舉師成雲  
下師成雨官無逋滯之征民無飢乏之慮衣食常  
充倉庫恒實榮辱既明禮節甚備為治甚簡為民  
亦易

三國志注會稽典錄山有金木鳥獸之殷水有魚鹽



珠蚌之錯海嶽精液善生俊異

隋書地理志川澤沃衍風俗澄清海陸珍異所聚人

雜五方俗類京口

王應麟七觀世族蟬聯重主累組庠聲序音洋洋鄒  
魯習鄉上齒少長有序俎豆秩秩章逢楚楚

錢彥遠衙司都目序田疇且隘鱣鰔錯出

王應麟鄞縣學記詩書之鄉禮節恭謹縣之子弟夙  
以衣冠鼎盛



延祐四明志浙東七州明為阨塞戶版物產清風舊德與昔之高閭巨閥屬於宅里者猶可考也

陸深棟塘翁傳鄞甬之東山水清嘉人喜種植務農功

嘉靖寧波府志樸茂醇實農勤於耕女勤於織商賈鬻魚鹽工供日用絕無四方奇袤之習男女皆衣布素即高貲厚藏不曳綺紈冠婚一從簡樸僅取成禮賓至則擷蔬炊糲以為餉隣里不相侵竊外



戶闢而不扃，尨不夜吠，捕吏不入於鄉。雖王化所薰，大都其習然也。青衿之士，亦皆甘於菲陋，不羞葺葛昏旦，閉戶讀書，絕鮮他營。五邑大抵皆同。

嘉靖寧波府志：鄞之風散緩，其俗迂濶而善妬慈之風矯厲，其俗尚文而善黨奉之風，鷙健其俗負氣而矜高，定之風脆弱，其俗習勞而寡營象之風樸直，其俗好競而服義。

李璜府學記：人才英拔，比他郡為甲。後進逢掖，往往



冰玉秀整廉利好學

陸世科義倉記鄆邑介處海濱風俗近古四民各食其力

鄆縣志神禹東狩及於會稽而鄆屬在封內被聖人過化之澤既而無餘建服胄衍神明歷商周之際漸被聲教句踐崛起事鉤盾驅長鬣力爭於上國而民遂感憤赴敵不恥鬪力風尚少變焉

慈谿縣



王安石縣學記慈谿小邑無珍產淫貨以來四方游  
販之民田桑之美有以自足無水旱之憂也無游  
販之民故其俗一而不雜有以自足故人慎刑而  
易治而吾所見其邑之士亦多茂美之才易成也  
楊守勤潘侯去思碑慈濱海而遙負山崩巍四民僅  
僅守常業無他營士大夫彬彬相率以禮義以故  
無桀黠梗化之患

顏鯨杜白二湖碑記慈谿九邑也厥土塗泥宜稭稻



種稔之饒三農九穀水泉是資其東西南表裏江河去海未遠借潮汐便利往往股引自給

寧波府志唐房琯建縣取漢董黯孝養之蹟為名蓋立教以孝云嗣後張無擇孫之翰繼之稱三孝鄉宋治平中得杜醇為學者師士皆興起道義建炎南渡衣冠氏族多卜居焉慶元以來慈湖楊簡得象山之學又有文潔黃震宋朱子之傳以訓迪後人人益敦倫尚行知廉恥而畏清議名師先達惻



幅相將忘其貴勢與里黨相齒讓絕無侵漁暴橫  
之風儒生率儉約自守小民以耕織為事雖風氣  
固然亦物力有所制也

慈谿縣志其士子往往以德業淬厲底于成材衣冠  
文物雍容典雅尊德樂義有士君子之風百姓止  
納稅糧橫差暴斂一無所干鄉村之人至老不識  
城市

奉化縣



樓鑰縣學記六邑奉化為望秀士尤多

陳造縣丞廳壁記奉化民夥事叢號不易治

陳著縣學記尚氣而畏法好義而知分詩書禮樂之

澤一變可以近古

王應麟縣治記其俗純如其士份如

戴表元于伯顏去思碑記奉之為州山踈而水迅踈  
故土居者清勤力業而少餘貲迅故仕遊者愴怛  
外顧而無畱心



張時徹城垣碑記性雖易抵冒好鬪訟然皆狎於耕  
桑守在四境

嘉靖寧波府志奉化地不夷衍蕪藝山坡海濱以食  
而民常勞水不瀦滯外方境內之物不得轉輸而  
民常嗇

奉化縣志土狹民稠日以墾闢為事仰事俯育僅僅  
無餘人窘於財亦憚於為非富家大族皆訓子弟  
以詩書故其俗以儒素相先不務驕奢瀕海小民



業網罟舟楫之利出沒波濤變化如神習使然也

鎮海縣

吳敦復縣治碑記魚鹽之聚土瘠民貧

王應麟儒學大成殿記挹秀涵清俊人魁士含章挺  
出

王存之鎮海縣碑記居山者以耕鑿為生瀕海者以  
漁鹽為業

王震岱山書院記士生其間往往多鍾山海碩大之



氣

陶恭縣治形勝賦其氣善柔其文郁郁彬彬迄今龍  
翔鳳舉後先相望

嘉靖寧波府志濱海斥鹵其土瘠其俗甘勤苦務織  
作溫柔敬愛有古遺風

何愈貢舉題名碑記環海而邑扶興清淑之氣孕靈  
毓秀賢哲之士生於其間者蘊蓄為道德彪炳為  
文章樹立為勲業千百年來蓋屢有聞也



象山縣

嘉靖寧波府志民多剛勁而質直利魚鹽務稼穡樂  
於家居憚於遠出

吳學周縣志序碩儒名德彬彬輩出衣冠文物之鄉  
舊浙江通志大抵五邑之民樵山漁海衣食自足惟  
緣海之地兵民雜處禮讓文學不無少衰矣

象山縣志俗儉而民易治事簡而賦易供黔首守畝  
畝跬步不出里巷婦人恥入市即窮檐陋室未嘗



望見顏色士尚切慙鮮敢倣鄉薦紳班荆問舊未  
嘗以驕貴聞里中服食恬素不御綺縠古凶從有  
無婚嫁嚴良賤其貧與富弗計也

定海縣

吳萊甬東山水古蹟記昌國人家頗居篁竹蘆葦間  
或散在沙填非舟不相往來田種少類入海中捕  
魚蝘蚌蛇母禪塗傑步腥涎褻味逆人鼻口歲或  
仰穀他郡



胡宗憲舟山議五穀之饒魚鹽之利可以食數萬家  
定海縣志其民自讀書服賈外大半以力田樵採為  
業凡居服飲食婚喪宴會以及享祀伏臘悉尚省  
節蓋力勤而用儉比戶皆然

寧波府志冠禮男子年十六擇吉日告廟始冠亦  
有及婚而冠者三加請戒之禮習俗久畧女子則  
當嫁時加笄焉婚禮士大夫家締姻多重門第先  
憑媒妁通柬將幣如古問名禮至納米納徵俱崇  
儉約不以金幣相炫女家具奩亦不以紉綺珠玉  
相耀親迎後翌日出拜姑嫜獻以女紅榛栗其風  
猶古喪則始卒及含殮多遵文公家禮或五日或  
七日服成受弔宗黨姻友各以香楮巾奠俗好浮



屠每七必作佛事葬用石槨貧者用磚三日展祭  
新塋標插紙錢祭祀特重宗祠春秋二分冬夏二  
至在祠合享清明及十月朔則祭於墓祭畢共飲  
餞餘其歲時令節各祭於家行三獻禮豐儉則稱  
其有

無云

嘉靖寧波府志元日設香楮陳果醴祀神祇宗祖  
序拜尊長畢出拜宗戚隣里謂之賀歲里社祈年  
元宵各坊鄉之民集眾祀里祠設醮誦經祈福境  
內名雨水會清明各家為青楸黑飯牲醴祭墓封  
土插竹挂紙錢於顛立夏炊五色米為立夏飯端  
午為角黍駝蹄糕祀其先親戚各相饋遺三伏  
寺廟皆設醮婦女走禮神佛八月各鄉祠廟為會  
祀神以龍舟競渡謂之報賽與各處端午競渡不  
同九月在城各坊盡興祠廟神像游行街市尊以  
兵仗綠亭金鼓雜劇各相競賽觀者塞路謂之社



影

象山縣志元宵四街各設竹棚綵幃懸燈其上或以火葯為錦樹之戲至十八日乃止  
定海縣志人家多以八月十六日  
為中秋中庭陳設酒饌賞玩達曙

象山縣志重陽士人登高燕賞以茱萸泛酒各家製壯丹糕方粽親戚轉相餽遺

象山縣志歲除換桃符寫春帖易門神謂之從新製辛盤燃爆竹熟蒼朮辟瘟謂之辟邪

### 紹興府

#### 山陰縣

附郭

#### 會稽縣

附郭



越絕書性脆而愚見清知濁見曲知直

越絕書春祭三江秋祭五湖大越海濱之民獨以鳥

田

史記貨殖傳楚越之地地廣人稀飯稻羹魚或火耕  
而水耨果隋羸蛤不待賈而足地勢饒食無饑饉  
之患以故訾窳偷生無積聚而多貧

後漢書第五倫傳會稽俗多淫祀好筮卜

三國吳志忠臣繫踵孝子連閭



晉書地理志其氏循循

宋史地理志商賈工作皆著本業

嘉泰會稽志建炎初嘗駐蹕於越山川之所形見風  
化之所漸被其儒風士業流聞彰布益以昌大非  
餘郡可比

嘉泰會稽志登秦望探禹穴其委蛇盤礴之觀溫厚  
粹美之氣鍾靈孕秀雲行川流胚胎醞釀發為英  
傑好學篤志尊師擇友絃誦比屋相聞不事奢靡



士大夫家占產甚薄縮衣節食以足伏臘重離別  
篤交親迎則聚間濶送則惜睽異豆觴迭進往往  
竟日

寶慶會稽續志越州物產之饒魚鹽之富實為浙右  
輿區

余闕均役記越地無甚貧甚富之家山谷之間有一  
夫而居十畝之田者祖宗相保至累世不失入其  
土瘠民貧小人勤身而飭力其君子尚樸儉而敦



詩書

韓性儒學碑記會稽儒風之盛冠於東州

徐渭贈潘公序嫁女者以富厚相高歸之日擔負舟  
載絡繹水陸之途繡袂冒箱笥如鱗往往傾竭其  
家

於越新編膏壤沃土民物廣饒

紹興府志謹祭祀力本重農下至蓬戶恥不以詩書  
訓其子自商賈鮮不通章句興隸亦多識字家矜



譜系推門第次甲乙婦女無交游雖世姻竟不  
識面不鬻男女於境外大家女恥再醮大抵於俗  
為美也

山陰縣志其男女屏浮靡不事嚴內外以禮貞烈之  
行史不絕書

會稽縣志民有四耕耨而誦其業絲布其服魚鹽與  
稻果菰而贏蛤其食也

蕭山縣



王禕棣萼軒詩序蕭山為縣地偏而俗尚質

田惟祐縣志序江海襟帶湖山奇勝風物之阜厚才  
士之德望甲於諸邑

陳敬宗科甲題名記蕭山山水之秀會聚英華鍾靈  
賢才其碩德雅望英聲偉烈表表在人耳目者前  
後相望人物之盛習為風俗男女有別而耕織惟  
勤絃誦相聞而文風益振宦遊如楊龜山以道化  
倡於前游定夫以德教闡於後羅豫章講道既去



而李延平復來延平之去未久而朱子提舉浙東  
又至人才之造就良亦有所自矣

李遇春縣志序山川之秀鍾為人物如鍾離意操行  
絕高張孝伯參謀大政朱憲使獨持風裁魏文靖  
德望尊重如此者實多高名美譽膾炙人口

紹興府志西鄉稍尚縉禮東鄉乃近樸顧善議論或  
信浮說

蕭山縣志民以耕讀為事士以氣節相高



諸暨縣

商輅廟學記山川清淑士生其間偉然秀出

蕭鳴鳳廳事記諸暨地阻而俗美田於湖山之間灌  
洩甚艱故歲無常稔

紹興府志有陂池灌溉之利絲布魚鹽之饒其商賈  
工作皆習簡樸不事華麗

諸暨縣志民性質直而近古好鬪而易解力稼不事  
浮費科第間出一二人輒能侃侃自持



餘姚縣

貝瓊北山書屋記姚江邑居野墅井然暴布重華文  
命之德猶在於人

貝瓊復古堂記餘姚山石林木皆古民務本而不爭  
多至百歲往來阡陌間熙熙然如無懷葛天之徒  
風俗古矣

嘉靖餘姚縣志其民知恥好修善讓儉而不陋華而  
不費勤而不匱質而不俚其思深其慮遠非有虞



氏之遺風豈能若是

嘉靖餘姚縣志其人敏柔而慧尊吏畏威其教易成  
占產至薄縮衣節食以卒伏臘輸賦以時其政易  
敷地多山林湖陂小江大海魚鹽材木之利頗饒  
其民易足無瓊奇之產以來四方之游販其民一  
而不雜

餘姚縣志餘姚愈貧寒者愈兀傲自矜士大夫類有  
節概然亦往往恃氣不相能其服食視諸邑為奢



餘姚縣志民知禮讓士風大振君子以讀書為本業  
小人以技藝為耕作

上虞縣

葛桶縣志序上虞山水形勝不後於他邦所產人物  
忠義盈朝節孝連閭非偶然也

郭楠縣志序俗尚淳古素親耕讀猶有舜禹遺風  
紹興府志居會稽餘姚之間地狹而好矜名類能飭  
廉隅篤孝讓然喜生事意氣多發揚少含蓄



上虞縣志尚節義而恥習漓澆君子好文學鄙民理  
穉事

嵎縣

王洪鄉賢祠記山川鍾靈名賢輩出

紹興府志嵎與新昌本一邑在萬山中其士子知好  
學砥行嵎尤近質不浮不作無益

嵎縣志俗尚勤儉好古嚴尊卑之分然而市民輕薄  
鄉俗鄙陋



## 新昌縣

王畿甲科題名記溪山瓌麗似樸而文

呂光洵縣志序新昌邑台剡之間地瘠民儉其財賦  
不足以當上邑之十二獨其俗淳厚先民之流風  
善政猶有存焉

新昌縣志以讀書尚禮為美事不遠行商不尚華麗  
無淫亂之風然好歌舞明法律以絕人

紹興府志男子年十六以上告廟行冠禮多於冬  
至或元旦婚必擇門第多士大夫為媒六禮遵古



制親迎雜用踏躡牽紅傳席合盃諸儀即日拜翁姑以次及家衆三朝廟見張綺席合飲宗戚喪大率用家禮惟不行小斂不用布絞其墳塋多砌磚為槨家饒者乃以石既卒哭舍苴絰更用細麻布服出謝弔客祭以四時或用四仲分至日或元旦端陽中元冬至忌日必素服祭終身不廢清明及十月有墓祭

嘉泰會稽志元旦男女夙興家主設酒果以奠男女序拜竣乃盛服詣親屬賀設酒食相款曰歲假凡五日乃畢立春先一日郡邑官寮畢出迎春東郊通衢遊觀相飲樂至期用巫祝禱祠謂之作春亦曰燒春元宵前二後三夕比戶接竹棚懸燈朱門華屋出奇炫華豪奢相矜社日鄉有社祭三月二十八日俗傳東嶽誕辰蕭之蒙山餘之黃山皆有廟焉男女競往燒香羅拜大姓皆樓船載簫鼓




鳴榔遊飲姚人謂之游江端午日以角黍相餽遺  
設蒲觴磨雄黃飲之女子以繭作虎小兒則綵繩  
繫臂繒繡符籙艾葉採藥鍊丹者率以是日夏至  
祀先以麪蕭山各供茶曰夏至茶六月六日觀荷  
亦乘畫舫多集於梅山本覺寺同時又游容山項  
里六峯觀楊梅八月十八日蕭山有觀潮之會重  
陽登高蒸米作五色糕佩萸泛菊府城剪綵旗供  
小兒嬉戲諸暨飲茱萸酒必配以豆莢是日俗忌  
不相過必有喪者乃往哭且致祭焉不知所始越  
中當三夏旱甚時有迎龍之賽不齋虔祈禱惟飾  
優伶及小戶少年為諸  
神佛怪異或扮故事

紹興府志諸暨元宵士女出觀燈名過橋謂可免  
一歲疾厄新昌街市張燈謂之歡門二月二日始  
開西園縱郡人遊觀謂之開龍口指卧龍山也新  
昌立夏則炙昌魚薤菜除夕聚雜柴焚於庭古謂



之火山今日笙盆光焰燭天  
爆竹脇膊之聲相聞不絕

會稽縣志正月十四日用巫人以牲醴祀白虎  
之神祭畢以紅綠線釘畫虎於門謂之遣白虎



浙江通志卷九十九